

Novena Natal 2019



Comunhão ho ita nia congregação – Transforma ita nia Comunidade sira ho laran luak no perdaun

*Tradução husi texto Oficial Team Com. Congregação SSps 2019
Tradição ba lian Tetum husi Me. Maria da Graça, SSps
Uza deit ba comunidade atu novena ka rekoleksi, labele ba povo.*

Loron 1

Tema: Comnhão ho ita nia madre sira iha comunidade

Cantico: *We are one in the Spirit...* bele cantico seluk

Atributo ba dinamica: Imagem liman nebe fo ba malu/ simbolu seluk nebe iha significado konaba comunidade nebe compost husi cultura iha fatin nebe ita iha.

Introdução

Tema ba loron dahuluk husi ita nia novena mak: ***comunhão ho madre sira iha ita nia comunidade.***

Maromak nebe halo-an ba ema moris iha familia, iha comunidade nebe fahe sira nia existencia moris. Tamba ne'e mak ema nebe fahe nia experincia iha familia no comunidade bele experincia Maromak no Maromak nia moris sulin liu husi nia no comunidade. Lalos ita mak hili comunidade ka madre sira nebe moris hamutuk ho ita. Maibe Maromak haruka ita ba iha comunidade ne'e. nia mos fo mai ita membro sira nebe moris hamutuk ho ita. Ida ne'e mak manifestação nebe claro no lolos husi Maromak nebe halo-an ba ema (Incarnação). Iha loron ida ne'e, atu ita bele rona Maromak nia convite atu moris iha comunhão ho ita nia comunidade,

ha Maromak Futar Liafuan nebe halo-an ba ema nebe mak sai duni ita nia fatin sagrado nebe comum. Ita nia contcto nebe besik ho fatin sagrado comum ne'e, sei halo comunhão entre ita sai boot liu tan.

Oração hahu

Maromak, Ita Bo'ot nia Oan Jesus Cristo halo-an ba ema, atu bele hatudu mai ami konaba Se mak Ita Bo'ot no se mak ami; atu hatudu mai ami saida mak ami bele no ami atu sai oinsa.

Atu oração ne'e bele convida ami hodi celebra Festa Natal.

Halo ami sensível ba Nai nia presença iha ami ida-idak nia-an nuudar ema.

Forma ami atu sai hanesan ho Nia; hanesan nia iha nia dalan atu transforma mundo ho laran luak. Ami harohan ne'e iha Ita Oan Jesus Cristo nia naran no ami nia maun, Amen.

Leitura

“Ba sira nebe simu nia, no ba sira nebe fiar iha Nia naran, nia fo direito atu sai Maromak nia oan, oan nebe lalos moris husi ran isin dian maibe moris husi Maromak” (Jn. 1: 12)

Liafuan husi St. Arnaldo Janssen: “Medita konaba trono Maromak nian (iha ema nia fuan), sei tulun ita atu hare oinsa valor nebe extraordinario husi serviço missionario. Imagina deit katak ita bele fihir ema ida-idak nia fuan nebe simu Maromak nia graça. Ita bele hare sira nia fuan nebe hafalun-an ho naroman no iha klaran horik Maromak Trindade. Visão nebe kmanek tebes.

Historia

Tuir legenda ema hindu nian dehan katak, iha tempo liu ba, ema hotu sai hanesan tiha maromak, maibe sira rasik mak abuza sira nia divindade. Tamba ne'e mak Brahma nuudar maromak sira nia lider, decide atu hasai tiha divindade husi ema, lori ba subar metin no sira mos nunca atu hetan fila fali.

Brahma bolu dewa-dewi nia conselherio sira seluk atu bele ajuda nia hodi decide atu subar divindade refere ba los nebe. Balu dehan: “Mai ita hakohi nia iha rai nebe klean”. Maibe Brahma hatan, “Ema bele ke'e ba to'o rai klean no hetan fila fali”. Seluk tan sujere, “Mai ita hamout deit ba tasi laran nebe klean.” Maibe Brahma dehan, “Lae, e tasi hodi hetan fila fali”. Maromak seluk dehan tan, “mai ita lori ba foho nebe as no subar deit iha neba”. Brahma hatan, “ema sei sae ba foho no bele foti fila fali sira nia divindade”. Ikus mai maromak sira hotu lakon esperança hodi dehan: “ami la hatene atu subar los ba nebe, ne'e significa katak laiha tan fatin seluk iha mundo no iha tasi luan nebe make ma labele ba to'o.”

Brahma hanoin kleur hodi dehan, “ita sei subar sira nia divindade iha sira nia centro-an rasik, no ema sei buka nia iha neba. Maibe sira lakohi buka divindade iha sira nia-an nebe lolos.

Maromak sira mos concorda katak ne'e mak fatin nebe diak liu, no lori ba subar duni iha ema nia fuan. Hahu husi neba kedas, ema hahu buka tun sae ba laron, ba tasik, kee rai, sae foho,

explora no buka nafatin buat ruma, maibe sira rasik labele habosok sira nia-an tamba buat nebe sira buka hasubar hela iha sira nia-an.

“Divindade horik iha ita ema nia-an”

Teilhard de Chardin dehan lolos katak: “ita lalos deit ema nebe iha experiencia espiritual, maibe ema espiritual nebe iha experiencia humana”. Jesus mai hodi hatudu ba ita oinsa moris husi centro divino nebe mak sai nuudar santuario ka horik fatin ba hahalok laran luak, laran diak, domi, etc. Ne’e mak ita nia vocação-atu moris hanesan Maromak basa nia hakiak ita tuir ninia ilas. (Gen. 1: 27)

Reflexão pessoal no sharing

Iha dalan concreto saida mak Maromak bolu hau atu expressa ninia divindade iha hau nia moris lor-loron?

Graça saida mak hau iha ni hau precisa fahe liu tan bae ma seluk? – dame? Laran diak? comprensau? Tolerancia? fraternidade?

Iha hau nia relacionamento ho membro iha comunidade, esforço saida mak hau bele halo atu bele hamoris sira nia sacralidade? Ho dalan saida mak hau bele contribui atu nune’e comunidade bele sai duni uma nebe hakmatek?

Bele sharing ba malu

Intercessão

Ita reconhece no celebra presença Maromak nia divindade iha ita nia-an ida-idak, respeita malu no hamoris hahalok laran luak, laran diak, no Maromak nia furak iha ema ida-idak. Foti momento silencio atu bele hanoin membro comunidade ida-idak, foti tempo atu bele marca presença ho membro comunidade ida-idak ho agradece, tuir ida-idak nia naran nebe temi.

Resposta:

Nai, Atu ami bele descobre ita Bo’ot nia presença iha ema ida-idak no sai benção bae ma ida-idak iha comunidade.

Atu ami bele descobre Ita Boot nia domin iha ami nia-an nebe klean wainhira ami sente katak susar atu hadomi no la hakmatek: **Resp.**

Atu ami bele hare Ita Boot nia diak iha ema seluk, wainhira nia hasubar-an hela no sai malirin: **Resp.**

Atu ami bele hakoak Ita Boot iha ema hirak nebe ninia fiar ami ladun fo importancia: **Resp.**

Atu ami bele percebe ita Boot nebe simu ema hotu hodi la halo julgamento iha ema hirak nebe nia hanoin diak: **Resp.**

Atu ami bele buka nafatin Ita Boot nia laran mamar wainhira ema nia fuan nebe tos koko atu hasubar: **Resp.**

Atu ami bele hatudu nafatin Ita Boot nia laran luak wainhira ami perdua ema seluk nebe halo aat hasoru ami: **Resp.**

Atu ami bele descobre no simu matenek husi madre sira nebe idade liu ona nomos paixão no energia husi foinsae sira iha ami nia moris inter-geração. **Resp.**

(adaptação husi Joyce Rupp)

“Ne’e mak ita nuudar SSpS nia desejo atu halo ita nia comunidade sira sai duni uma. Ita hakarak hakat liu tan passo ida iha moris intercultural no inter-geracional liu husi valorize nuudar karak ida atu bele celebra no fahe entre ita no ho mundo tomak.” (Seven Statements)

Oração final

Jesus, ita Boot mai nuudar Maromak domin nain nebe nakonu hi naroman rohan laek. Nuudar Ita Boot rasik sai boot nuudar ema, ita Boot nia moris no hanorin mos hatudu diak tomak nebe mai husi Ita nia fuan. Oras ne’e, Ita Bolu ami atu cuidado didiak roman Espirito iha ami nian, reflete ta Boot nia diak, laran luak no laran sadia ba ema hotu iha comunidade. Nuudar ami nebe prepara-an hela atu celebra lora Boot Ita nia moris, tulun ami atu bele descobre Ita Boot nia presença iha ami nia moris no iha ami nia madre sira. ita Boot halo horis fatin ida iha ami. Atu ami bele halo mos horik fatin id aba malu iha ami nia fuan, celebra ema ida-idak nia presença nu’udar karan ida iha comunidade.

Nai, Fo benção mai ami no husik natal bele acontece duni iha ami nia comunidade! Amem.

Final: Hino ba Nain feto

Loron 2

Tema: Comunhão ho provincial/Região

Canta: Hili tuir necessidade

Introdução: Tema lora Segundo ba ita nia novena mak: Comunhão ho ita nia Provincia/Região”. Ita halo unidade ho madre sira hotu iha ita nia Provincia/Região, fihir sira ho ita nia matan fiar nian no suporta sira ho ita nia oração. Iha momento silencio nia laran, ita lao ba hasoru ita nia madre sira iha fatin nebe sira hela ba.

(Bele tau figura ruma husi comunidade sira nian iha região laran atu ajuda madre sira nia imaginação iha hakmatek laran).

Hatudu, ka apresenta ho creativo, simbolo região nian (karik iha). Karik laiha simbolo Região nian, bele hili simbolo ruma nebe representa nação ka fatin nebe hela ba.

Fo explicação badak konaba simbolo.

Oração hahu nian

Nai, ami hein teb-tebes Ita Boot nebe hi’it-An mai iha ami nia mundo.

Ita Bo’ot sempre iha ne’e no nafatin hakarak halo-an ba ema no halo ami bele hasoru Ita Boot iha ema ida-idak, liu-liu iha ami nia madre sira.

Loke ami nia fuan ba Ita Bo'ot no ba maluk sira, atu ami bele reconhece Ita Bo'ot no permite Ita Boot atu bele transforma ami ho Ita Boot nia laran luak. Ami harohan ne'e iha Ita Boot nia naran, Ita nebe moris no ukun hamutuk ho Aman iha unidade Espirito Santo, ohin no ba nafatin, Amem.

Historia

Estação ro ahi moris nian

Iha tempo uluk liu ba, iha tasi ibun nebe perigoso teb-tebes no ro ahi barak mak hetan ascidente; iha neba existe fatin salva-vida ida nebe simples teb-tebes. Uma deit mos laiha, rai fuik no iha deit mak ro ahi ida. Maibe voluntario sira sempre serviço nafatin nuudar guarda-costa, kalan loron sira la para, la sente kolen, la husu atu selu.

Agradece tamba ho fatin kiik ne'e, ema barak bele salva-an no ikus mai nia naran sai famoso iha fatin hotu. Ema barak nebe hetan salvação nomos ema husi fatin seluk hakarak teb-tebes atu sacrifica sira nia tempo, osan no energia atu suporta fatin neba. sira sosa ro ahi foun sira no fo treino ba equipa foun sira. ikus mai estação kiik ne'e sai boot no desenvolve diak.

Sira nebe antes ne'e la gosta fatin ne'e, ikus mai sira hakark halo fatin ne'e sai mahon ba sira. sira prepara fatin temporario no toba fatin diak, nomos haluan tan edificio nebe ho nia equipamento sira completo. Estação ro-ahi nee sai popular ho ema hirak nebe hakarak hela iha neba. sira halo fatin neba sai confortavel liu tan no sai tiha fatin furak nudar uma comunidade nian ka grupo nian.

Neneik ba bebeik, voluntario barak hakarak hola parte iha missão nebe hanesan. Sira mos koko atu hafahe tripulação (Awak kapal) bar o ahi salva-vida. Molok ne'e, servico nain sira halo dekorasaun furak ba quarto hotu iha fatin-fatin, nomos sira halo modelo husi ro ahi salva-vida ida nebe boot tebes, tara iha sala nebe mak membro foun sira mai bele hare no celebra hamutuk.

Iha tempo neba, iha mos ro ahi boot ida nebe mout iha tasi no marinheiro sira nebe ema contrata, fila fali hodi tula ema no sasan nebe malirin, bokon, no atu besik mout. Entre sira hotu, barak liu mak ema estrangeiro no lao rai. No hahu barulho iha sede clube nian. Adminitrador clube manda halo lalais fatin haris atu nuneema hotu nebe salva-an husi ro ahi bele hamos-an molok tama ba participa iha fatin clube nian. Iha encontro tuir mai, acontece discussão entre membro sira. Barak husi sira mak la aceita serviço nuudar salva-vida tamba atrapalha knar normal lor-loron nian husi clube nee. Balu fali, fo argumento katak knar primeiro mak salva-vida, tamba ne'e mak fatin neba hanaran "estasaun salva-vida". Sira hahu fahe malu. Sira rona katak, ema hirak nebe terus no moris hetan ameaça mak importante tebes no sira ida-idak bele hari nia estação salva vida rasik iha fatin nebe deit. decisão nee duni mak sira halo. Liu tiha tinan barak, estação nebe foun tranforma sai lolos hanesan ida uluk. Sai mos fatin ba grupo, nomos hari tan santuario ba da-tolu. Maibe iha ftin ne'e mos repete fila fali buat nebe uluk.

Se karik visita fali fatin ne'e agora, ita bele hare clube ka grupo barak nebe harii fatin iha neba. Maibe tasi ibun nebe mehi atu sai fatin seguro ka salva-vida, nafatin sai fatin perigoso; ro-ahi barak mak sei tauk atu sadere iha fatin neba; no marinheiros barak mak mout deit iha tasi.

Perguntas ba reflexao pessoal no sharing

- Hanoin no comparação saida mak mosu wainhira hau rona historia nee?
- Sera que iha semelhanca ruma ho desenvolvimento historia husi ita nia Provincia/Região?
- Iha mudança ruma iha missão proovincia /Região iha nia caminhada? Tansa?

Intercessão:

Nai, Ita Boot sei mai iha ami nia mundo ohin loron no hakarak atu moris iha nia.

Ita harohan: *Maromak ami nia moris, rona ami nia oração*

- Hatudu mai ami dalan atu ami bele realiza Ita Boot nia bolu no missão iha tempo ohin loron.
- Transforma ami nia fuan ho Ita Boot nia laran luak.
- Ajuda ami atu descobre Ita Boot nia diak iha ema hotu nebe ami hasoru.
- Haruka mai ami ema hirak nebe precisa teb-tebes Ita boot nia laran luak.
- Husik ami nia comunidade no Região bele sai horik fatin Maromak nian.
- Atu ami nia madre sira nebe mate on abele moris hamutuk ho Ita Boot iha Reino lalehan.

Nai, Ita Boot hakonu ami ho ksolok iha momento ne'e hodi hein Ita nia hiit-an mai. Gloria ba ita boot rohan laek, Amem.

Ami Aman

Cantico: hili tuir necessidade

Oração

Wainhira ami dedica-an ba malu\no moris hamutuk

Bele honesto no sai ema los
No halakon liafuan mamuk

Hein ho paciencia
No rona ho neon diak

Proteje nebe fraco
No fo kbiit ba kbiit laek

Tanis hamutuk
No haksolok iha ma seluk nia sucessoe

Simi desafios no possibilidades
No hanoin didiak

Fo acompanhamento ho domin
No agradece ho fuan

Suporta malu
Fo liman ba malu

fo espaço no coragem
atu bele lao ho ain raik

Natal sei mai

Max Feigenwinter

Nai, Haraik benção mai ami, no husi Natal acontece iha ami nia Região. Ami harohan ne'e hodi Maromak Trindade nia naran, Aman, Oan no Espirito Santo, Amem.

Cantico final: Nain Feto

Loron 3

Tema: Comunhão ho Provincia/Região iha nação/Continente

Abertura: ita reconhece presença Maromak nian entre ita. Nia dada is ho is Maromak nian iha ita. Ita fo atenção ba moris iha ita nia sorin-sorin nebe conecta ka kesi it aba malu. We pay ... (silencio badak)

Hananu: (Hino espirito Santo k abele hananu seluk nebe apropriado)

Introdução: tema ba loron da-toluk husi ita nia Novena mak: “Comunhão ho provincial/Região iha ita nia nação/continente”. Sessão Advento ne'e nian convida ita atu rona no reflete iha ita nia historia pessoan no vida comunitaria, hamosu sira atu bele desafia ita hodi haluan ita nia sensibilidade no consciencia rasik. Atu it abele hamosu historia husi ita nia Provincia/Região iha ita nia nação/continente atu bele ha-kbiit ita nia comunhão entre ita nuudar familia nebe hetan bolu atu haklaken Liafuan Diak Maromak nian iha ita nia realidade ida-idak.

Smbolo: (Hakerek naran husi ita nia Provincia/Região iha ita nia nação/continente nebe ita pertence, tau iha fatin nebe centro)

Reflexão: Espirito Santo haroman ita nia geração fundadores ho ahi lakan ida nebe halo sira hamrok nafatin hodi ba haklaken ba ema hotu nebe dok husi sira nia horizonte rasik, no atu fahe ho sira Maromak nia Liafuan diak: “Maromak horik ho Ita”. Sira nia comitmento total ba missão no senso comunão nian mak sustenta no tane sira iha dificuldade, no halo sira bele halo decisão ida radical no sacrificio ho ksolok. Sira nia coragem mak continua inspira ita. Mai ita fihir witoan ita nia Região nia naran nebe iha centro. Husik ita nia hanoin bele semo luan atu

conecta ita nia-an ba fatin nebe ema seluk iha, no iha consciencia nafatin katak ita fahe hela ita nia carisma la ho limite.

To'o nebe ona mak hau hatene konaba historia husi hau nia Região/Provincia iha hau nia nação ou continente nebe hau pertence? Iha fatin nebe deit mak hau hetan bolu ida hodi haluan hau nia horizonte ba moris comunhão? Iha karik plano de ação ruma atu bele expressa ita nia resposta ba Maromak nia bolu hodi halo comunhão? Rona didiak urgencia Espirito Santo nian.

Sharing

Leitura: Maromak halo comunhão ho ita no bolu ita atu halo comunhão entre ita. Mai ita rona Maromak Futar Liafuan (Is. 42, 1-7)

Intercessão:

Resposta: Nai, halibur ami iha Ita Boot nia domin

- Cria iha ami fuan ida nebe sente agradece ho ami nia-an nebe iha no iha fatin nebe ami pertence dau-daun: ami nia familia biologico, ami nia familia religioso no comunidade missionaria.
- Guia ami ba conexão nebe klean entre ami, liu fali limite familiar nian iha ami nia comunidade/Provincia/Região.
- Ajuda ami atu consciente nafatin bae ma ida-idak nia dificuldade no desafios, pronto atu sai husi-an rasik no expressa solidariedade ba malu.
- Halo ema seluk nia ksolok sai hau nia ksolok, sira nia dificuldade sai hau nia dificuldade, no atu ami bele hamoris nafatin solidariedade ba malu iha situação ksolok no susar nia laran.
- *Iha silencia, it abele aumeta intenssão seluk*

Oração: Maromak domin nain, hun husi ami nia provincia/região nia historia moris, ita hakarak atu atu ami fiel ba ita nia domin nuudar familia ida. halo ami bele iha inter-ligação nafatin iha Ita Boot nia domin no ha-kbiit ami wainhira ami precisa nakloke bam undo nebe nakonu ho competição no manipulação nebe hafahe malu. Haraik kbiit mai ami atu ami bele hasoru desafios oinsa bele lori mundo ne'e ba tama iha Ita Boot nia comunhão domin. Ami husu ne'e hodi Nai Jesus Cristo nia Naran, hamutuk ho Espirito Santo, Amem.

Ami Aman

Oração preparação ba Capitulo Geral 15

Hino: "I thank my God..." (bele hananu seluk) ka Cantico Maria nian

Loron 4

Tema: Comunhão ho Congregação tomak

Cantico hahu: (cantico seluk)

Simbolo / Centraliza: *Globe/hena ho cor continente sira nian, loro Congregação iha klana. Bele mos tesi coração ida nebe fahe ba parte 5, nebe representa continete 5.*

Introdução: ohin loron, iha rona Maromak nia bolu hodi halo comunhão ho Congregação tomak- atu bele hare no sente Maromak nia presença nebe halo-an ba Ema iha membro ida-idak iha ita nia continente hotu.

Ita hariku ita nia naran ho Missionaria Serva do Espirito Santo, fiar iha missão atu haluan circulo husi ita nia relacionamento. Ohin, loron ita nia congregação forma husi provincia/região 45 no comunidade Generalato, hetan graça wain ho membro hamutuk besik 3000 husi nacionalidade 50 ho presença missionaria iha nação 50. Ne'e sai nuudar privilegio ida atu hola parte iha familia boot discipulo missionario Maromak nian.

Maromak halakon diversidade, desafia ita nia cultura liu husi revolução consciencia,"wainhira hau hadomi ho participação nebe consciente, hau bele hare katak, buat nebe ema seluk iha, parte ida husi hau nia energia moris nebe horik iha sira, no saida mak hau iha, nunndar parte ida husi ema seluk nia energia nebe hela iha hau. haul abele hafahe mundo ne'e ha "ITA" no "SIRA". Hau iha consciencia ida konaba moris nebe luan tebes nebe circula hela iha buat hotu. "Historia nebe boot liu mak dehan katak moris hotu sai ida deit" (Beatrice Bruteau).

Atu momento oração hamutuk ne'e, bele lori ita ba participação ida nebe ho consciencia tomak.

Oração de abertura

Nai Maromak, ami hahi Ita Boot nia futar oin iha iha ema seluk nia oin.

Ita Boot horik iha fatin hotu, atu ami nia matan ema nian bele hare Ita.

Iha Jesus mak Ita Futar Liafuan halo-an ba ema, no ami bele iha acesso ba Ita no bele hare iha besik no iha dook. Ne'e mak dalan husi Ita Boot nia encarnação.

Ami agradece tamba ami nia congregação iha futar oin barak

Ami agradece tamba membro ida-idak nebe bele hatudu futar oin id aba Ita Boot.

Ami agradece taba expressão oi-oin husi Ita Boot nia presença.

Atu ami bele rona Ita Boot nia bolu hodi buras iha "Consciencia participativa".

Ami husu ne'e, hodi Ita nia Oan doben, Jesus Cristo ami nia Nai no belun, Amem.

Liafuan murak husi Beata Josefa: "Maromak halibur ita hamutuk atu it abele iha fuan ida no hanoin ida deit".

Historia

Ubuntu –ne'e liafuan ida husi Africa do Sul – HAU IHA TAMBA ITA IHA!

"Loron ida, Antropologo Europa ida ba Africa hodi estuda comportamento social husi tribu indigena sira nian ka povo nativo nia moris. Nia halo jogo ida ho labarik sira no sira ho livre

bele hola parte iha jogo nee. Nia foti bola basket ita, hafoin tau haleu ho ai-fuan barak iha ai-hun ida. nia dehan ba sira katak, se mak halai uluk ba foti basket, nia sei hetan mos basket no nia mak sei iha direito atu han aifuan sira nebe iha. Nia forma sira hotu, hafoin foti liman hodi halo sinal hahu nian....Pronto....Prepara...halai.

Labarik sira ne'e kaer liman ba malu hafoin halai hamutuk. Sira hotu-hotu hetan basket iha momento nebe hanesan. Hafoin, sira tur iha circulo boot ida no han aifuan hamutuk ho haksolok no hamnasa. Antropologo quase la compreende saida mak nia hare no nia husu ba sira, tansa mak sira hein malu mak halai hamutuk, lakohi atu ema ida mak sai manan nain?

Labarik sira ne'e foti matan hodi hatan ba nia: "Ubuntu, oinsa make ma ida deit husi ami leet mak haksolok, no sira seluk fali sente triste?"

Ubuntu significa katak ita hotu kesi-an hamutuk iha dalan ne'e nebe mak matan labele hare hetan. Katak iha neba mak humanidade nee ida deit. no ita fo-an hodi fahe ita nia-an ho sira seluk, no cuidado ema seluk nebe iha ita nia sorin-sorin."

Leitura : 1 Cor. 12: 12-14, 27

Hanesan isin nebe ida deit, maibe iha membro barak, maibe membro barak ne'e mai husi isin ida deit mak Cristo. Ita hotu simu ona batismo ho Espirito ida deit atu forma isin lolon ida deit- laiha tan judeu ka greo, atan ka ema livre,- no ita hotu hemu husi Espirito ida deit. hanesan isin lolon nebe labele halo ho membro idad deit, maibe barak...oras ne'e, imi mak Cristo nia isin lolon no imi ida-idak mak parte husi nia.

Ita mak isin lolon iha tempo ohin loron, lalos buat nebe representa det Maromak maibe buat nebe hatudu NIA-an rasik. Maromak Futar Lia halo-An ba ema no continua horik hamutuk iha ita leet. Se ita mak Cristo nia isin lolon duni, entaun, Maromak nia presença iha mundo ne'e depende teb-tebes ba ita. Ita precisa sai hanesan St. Teresa de Avila nebe mak koalia ho simples, Maromak nia fisico liman, ain, ibun no fuan iha duni mundo nee.

Jesus nia domin hakbesik ba nia maun alin sira liu husi ita, liu husi ita nia liman nebe nakloke nebe cuidado no konsola sira, liu husi ita nia Liafuan nebe koalia sai bam undo atu haklaken Maromak no lalos haklaken ita nia-an rasik. (Papa Francisco)

Hakmatek hodi reflète

Intercessão: Nai Maromak, Ita Boot mak horik fatin comum nebe ami bele hela, bok-an no bele iha. Atu ami, nuudar congregação ida, bele lao iha processo ida nebe mak halo Sai duni Ita Boot nia Oan Jesus Cristo nia isin lolon. Atu ami bele hare buat hotu ho perspective nebe luan, sai husi ami nia hanoin individual hodi bele sai congregação ida deit.

Nb: Iha hakmatek, depois de le, frase tuir mai, Lori lilin lakan ba tau iha kor continente ida-idak nebe iha ona centro.

Convida ita atu tama iha momento agradece no halo comunhão ho madre sira iha Africa-madre sira nain 178 iha nação 11 nia laran.

Jesus, Immanuel, Maromak horik ho Itaa, atu ami bele sai promotor husi povo African onia mehi no aspiração. Atu Espirito husi 'Ubuntu' (Hau iha tamba ita iha) inspira ami nia moris

iha comunidade no habelar comunhão iha ema hotu nia leet liu husi sira nia sasin moris rasik. Reconhece mos ami nia fraqueza sira, atu nune'e ami bele sai ema nebe kura sociedade nebe afetado ho violencia, conflito raça, exclusão no Marginalização.

Resposta: Nai, atu ami bele sai ita Boot nia presença transformadora liu husi ami nia laran sadia.

2. *Momento agradece no halo comunhão ho ita nia madre sira iha provincial no região sira PANAM nian: madre nain 603 iha nação 12.*

Jesus, iha ami ema nia fuan nebe mamuk, Ita Boot mai oferece moris nebe nakonu naresin. Iha ami ema nia moris nebe kanek, Ita Boot mai nuudar ida nebe laran sadia. Ohin laron, atu ami bele sai horik fatin ba sira nebe mes-mesak, lori esperança ba sira nebe lakon esperaça, kura sira nebe moras no oeferece horik fatin ba sira nebe laiha mahon.

Resposta: Nai, atu ami bele sai ita Boot nia presença transformadora liu husi ami nia laran sadia.

1. *Momento agradecimento no halo comunhão ho ita nia madre sira iha Continente Asia-Madre nain 1.418 husi nação 9.*

Maromak haraik presente ida ba mundo, oferta husi presença domin nebe ho naran Jesus. Buat nebe Jesus fo mak nia-an rasik, oferta nebe sai nuudar riku soin husi fuan mak: Fiar-an rasik, Kura interior, dame ba hanoin, laran sadia, laran luak, dignidade no justiça. Nai Jesus, Atu ami bele fiar iha presente hirak nee nia kbiit nebe ita boot haraik ona mai ami. Hanesan ami nia fundador sira, atu atu mos bele responde didiak no criativo ba halerik husi vitima sira, ema abandonado sira no sira nebe ema explora iha sociedade.

Resposta: Nai, atu ami bele sai ita Boot nia presença transformadora liu husi ami nia laran sadia.

3. *Momento agradecimento no halo comunhão ho ita nia madre sira iha Europa: Madre hamutuk nain 733 iha nação 16 nia laran.*

Nai Maromak, Ami hasae ami nia fuan nebe klean ba ita. Consciente baa mi nia kbiit no iha ami nia dificuldade nia laran, atu ami bele koko moris nebe diak ho ami nia esforço liu husi dalan solidariedade no colaboração.

Resposta: Nai, atu ami bele sai ita Boot nia presença transformadora liu husi ami nia laran sadia.

4. *Momento agradecimento no halo comunhão ho ita nia madre sira iha Oceania: Madre nain 78 iha nação 2 nia laran.*

Maromak ami nia esperança, hi'it-An mai! Sai fitun naroman iha ami nia nakukun, roman nebe sei la lakon, Esperança nebe orienta ami dalan ba Ita Boot. Hi'it-an mai iha ami nia nakukun laran, no halo ami nia moris sai horik fatin ida, iha nebe mak ita boot nia diak rohan laek bele koaliala makaas liu husi ami nia domin no esperança nebe forte.

Resposta: Nai, atu ami bele sai ita Boot nia presença transformadora liu husi ami nia laran sadia.

Ami Aman

Hino

Oração final

Atu ami bele apreende husi Maria no Isabel iha historia visitaçon nian; encontro entre ema nebe santo: Tama, Cumprimenta, rona, sente, fo benção no fo resposta. Atu ami bele buras iha consciencia nebe boot konaba ami nia presença nuudar familia SSpS nebe luan iha mundo nee. Atu ami bele hakiak iha ami nia-an, laran manas, hanoin no energia nebe positivo baa mi nia madre sira iha fatin oi-oin iha mundo. Atu ami bele ajuda lori dame, laran diak, laran luak no hospitalidade ba Cristo nebe moris iha ema seluk. atu ami nia vocação no resposta hodi moris deit buat nebe comum, bele halo ami hamutuk nafatin, halakon husi ami leet atitude “AMI” no ‘SIRA” hodi bele sai ida deit. atu ami bele fihir hetan ami ida-idak nia-an iha Ita Boot Maromak Trindade no hamoris nafatin ami nia espirito nebe hatene fahe nuudar ema no nuudar SSpS, Amem.

Cantico final

Loron 5

Tema: Comunhão ho membro sira nebe mate ona iha ita nia congregaçã

(ho madre sira nebe mate ona)

Hananu hahu nian

Tau iha centro: foto madre sira nebe moras

Introdução: ita nia historia ohin loron hetan deit significado iha ita nia conexão ho moris passado. Ita ema hanesan kurcaci kiik oan ida nebe tur iha gigante nia kabas. Ita bele hare hetan buat barak, hare mos buat hotu nebe dok no saida mak sira halo, maibe ne’e lalos tamba ita nia parte mak as liu ka superior liu sira, maibe tamba sira mak foti ita ba as, no liu husi sira nia estatus nebe boot, sira fo mos mai ita. (*John of Salisbury*)

Ita nia madre sira nebe uluk liu ita, hamoris iha sira nia-an Maromak nia domin ho dalan nebe unico tebes. Sira loke ona dalan ba ita atu tuir.

Dietrich Bonhoeffer hakerek hanoin hirak tuir mai iha nia carta ba Mr. no Mrs. Bethge:

“Ita nunca hetan buat ruma atu bele pre-enche mamuk iha ita nia fuan nebe make ma hirak nebe ita hadomi husik hela, maske ita koko dala barak. Ita tenki fiel hodi simu; lian ne’e bele sai makaas liu maibe iha momento nebe hanesan, sai mos nuudar consolaçon ida, tamba wainhira ita sente dok malu, ita mos sente iha ligaçon ba malu. Cada vez que ita hanoin barak konaba

sira, iha neba mos susar atu bele fahe malu. Maibe fuan nebe gradece transforma memoria triste ba fali ksolok nebe hakmatek. O nunka lori experiencia passado nebe diak iha o nia moris hanesan ai-tarak maibe hanesan presente furak ida”.

Historia konaba Water Beetles (kumbang air) no teki lili

Iha be matan ida nebe kiik maibe calma tebes ninia okos, hetan grupo water beetles moris iha neba. Sira nuudar grupo ida nebe haksolok, moris iha be nebe mos, iha fatin nebe klean liu hodi buka ai-han.



Neneik ba bebeik, membro sra seluk hatene katak, iha kolega ida nebe laiha interesse atu moris hamutuk ho sira. Ikus mai nia sae tuir aihoris Lirio be nian hodi consegue lakon husi grupo, no nia hakat liu sai mai too iha rai maran. Sira seluk hare nia too nia lakon husi sira nia matan.

Iha loron ida ‘kumbang air’ dehan ba malu: “Ita nia maluk ida consegue sae ona ba too rai maran. Nia ba nebe los?”

Durante ne’e, sira fo atenção tebes ba kolega nebe lakon husi sira nia leet. Sira hein tempo barak nia laran maibe nia nunka fila hikas mai sira leet.

‘Kumbang air’ ida dehan “Ne’e laos estranho?”

Ida fali dehan: “Sera que nia la haksolok moris ho ita?”

“Nia iha nebe los agora?” Seluk fali dehan.

Laiha ida mos mak bele fo resposta. Sira hahu hanoin didiak. Ikus mai, ida nebe idade liu, halo encontro ho sira. “hau iha ideia ida”, nia dehan, “Ita sira ne’e nain ida tenki sae tuir ai-lirio ne’e maibe nia tenki promete atu fila fali mai, no fo hatene konaba nia iha nebe los, no tan sa nia la fila.” Sira hotu hatan: “Ami promete”.

La kleur deit, iha dader-san ida, ‘kumbang air’ nebe sira hotu sujere, nia hahu sae tuir lírio hodi hakat ass tan ba leten. Molok nia atu buka hatene, nia hamonu-an iha rai luan ida nebe nakonu ho lirio barak.

Wainhira ‘kumbang air’ consciente ba nia-an, nia hateke ba sori-sorin nakonu ho admiração. Nia nunca imagina konaba saida mak nia hare. Buat hotu mesak diferente no nia-an rasik hetan transformação ho maneira nebe unico. Nia hahu fihir nakonu ho curiosidade, nia matan hare liras furak no iha isin lolon naruk nebe pertence ba nia isin. Wainhira nia sei admira hela konaba format isin lolon nebe iha, derepente nia bok nia liras no nia bele semo tiha ba loron. Nia transforma-an tiha ba teki lili. No iha oras neba, teki lili foun nebe foin muda-an hahu semo ba mai iha anin ho modelo oi-oin. Nia sente furak teb-tebes no haksolok ho nia-an nebe diferente. Depois, nia hahu hatur-an hodi descança.

Iha momento neba, teki lili hateke ba be laran no nia hare nia belun antigo sira, nebe halai ba mai iha be okos. Hafoin nia hanoin fali ninia promessa atu fila fali ba lori noticia. Nia la hanoin barak tan, nia haksoit atu tama ba be okos hoti lori informasaun ba kolega sira. Maibe nia rasik labele fila ba tamba nia semo deit iha be leten ho liras.

Nia hakilar ho triste “Hau labele fila fali ba imi. Hau hakas-an no koko dala barak, maibe hau labele realiza hau nia promessa. Maske hau fila fali ba imi mos, imi sei la conhece hau ho hau nia-an nebe tranforma ona sai diferente ho imi.”

Depois de hanoin kleur witoan, nia hateten ba nia-an: “Hau sei hein sira hotu atu bele sai teki lili hanesan ho hau, no sira rasik sei hatene konaba saida mak acontece ho hau no hau ba nebe”.



No hahu husi neba kedas, teki lili semo ho haksolok iha mundo nebe furak ho naroman no anin fresku.

(Author unknown)

Oração

Nai, Ita Boot lalos Maromak mate sira nian, basa sira nebe mate ona moris ho Ita Boot.

Iha Ita futar oin, ami hanoin sira hotu nebe ami hadomi

Sira hola fatin iha ami nia fuan.

Ami fiar katak sira hotu horik iha Ita Boot futar liman.

No nee duni mak ami nia esperança ba sira no ba ami.

Atu ita Boot bele selu saida mak ami bele selu.

No bele sente separasaun nebe existe iha neba; katak nee ma kami nia esperança ba sira no ba ami.

Atu Ita Boot bele hadok tiha buat hotu nebe hafahe,

No bele haraik dame rohan laek

Ne'e ma kami husu ba Ita,

Ne'e ma kami nia esperança ba sira no ba ami.

Horik nafatin ho ami nia madre sira nebe moras ho ita nia kbiit nebe moris no orienta ami mos ho Ita Boot nia kbiit nebe fo moris atu bele ba hamutuk fali ho sira.

Hodi Ita Oan ami nia Nai Jesus Cristo, Amem.

Leitura husi Evagelho tuir S. João haktuir

Aman, hau hakarak katak sira nebe Ita Boot fo mai hau, hela hamutuk ho Hau iha fatin nebe hau hela; atu sir abele hare hau nia gloria, nebe Ita fo mai hau, tan Ita hadomi hau molok mundo hahu. Aman Santo, mundo ne'e la hatene Ita maibe sira ne'e hatene katak Ita mak haruka Hau mai. Hau fo hatene tiha ba sira Ita naran, no Hau sei fo hatene liu tan, atu domin nebe Ita hadomi hau bele hela iha sira no Hau hela iha sira (John 17,24-26)

Ita atu consciente ka lae, ita transmite presença husi ema hirak nebe ita conhece; seolah-olah wainhira ita iha ba malu ita troca mos ita nia celula, ita continua força ruma husi ita nia-an, no ita mos lori ema nee mai iha ita nia moris.

Nee mak maneira ida atu ita bele aguenta kleur wainhira ita mate. Nee mak razao oinsa ita precisa sai-an rasik tamba ita sei continua nafatin bae ma seluk. (Natalie Goldberg).

Hakmatek hodi reflète no sharing

Hamoris fali experiencia ruma ho madre ida ka rua nebe mate nebe ita boot hatene, oinsa mak sira sai instrumento Maromak nia domin? Oinsa mak sira hamoris Maromak nia domin iha sira nia moris?

Ho maneira saida mak hau bele lao tuir dalan nebe sira hatudu ona mai hau?

Intercessão

Mai ita hanoin fila fali madre sira nebe moris hamutuk ona ho ita no ita hadomi tebes, nebe mak hetan duni sira nia kbiit lolos iha Jesus, Maromak nebe halo-An ba ema.....

Iha momento individual nebe hakmatek, bele temi naran madre ruma nian ho qualidade ka valor hirak nebe mak sira consegue halo Maromak presença iha comunidade no situação missão.

Depois de temi madre ida nia naran, sei dere sinu...hodi fo hanoin mai ita katak oinsa sira nia diak lian nafatin iha ita nia moris, k abele halakan lilin nuudar sinal husi roman nebe sira lori mai iha mundo.

Remata tiha ho madre ida nia naran, sei hananu Antifon – Laudate Omnes Gentes... /Bless the Lord my soul...

Ami Aman

Hino:

Oração final

Maromak, autor moris nian, ami agradece ba amadre sira rihun wain nebe mak hamanas ona ami nia espirito ho sira nia hanorin no roman husi sira nia fiar, nomos his sira nia oin ami bele hare Mromak nia gloria nabilan, nebe foti dalan risku hodi husik sira nia rain no hakat liu fronteira ba rai seluk, sira nebe oferece ona sira nia moris hodi dedica-an ba Reino Maromak nian, sira nebe mak lori ami ba halo relacionamento nebe klean ho Maromak liu husi sira nia liafuan no exemplo, sira nebe hasoru desafios ho esperança no otimismo, sira nebe hanorin ami oinsa fiar no tau confiança iha momento difícil.

Nuudar ami nia historia congrgação nebe continua nafatin, atu ami bele desafia-an hodi oferece ami nia kabás ba sira nebe lao tuir ami. Ami harohan nee hodi Nai Jesus Crsito nia naran, Nia nebe harohan atu ami hotus sai Ida deit, Amem.

Cantico final

Tema: Bolu ba precesso moris nebe continua atu haburas “Vida contemplativa” hodi bele sai “presença transformadora”: Formação

Cantico: (hili.)

Introdução: Topico ba loron 6 iha ita nia novena natal mak: “Bolu ba precesso moris nebe continua atu haburas “Vida oração” hodi bele sai “presença transformadora”.

Ba ita, nia moris durante ne’e, ita hetan convite atu bele muda no convida-an rasik atu bele hafoun ita nia moris liu husi Maromak neebe mai iha mundo hanesan labaraik ida durante tinan rihun rua resin liu ba: Nia duni mak ita nia Maromak. Ohin loron, mai ita nakloke ba possibilidade nebe mak Labaraik nebe iha bibi luhan bele transforma buat rua iha hau nia-an tuir nia hakarak.

Oração de abertura

Nai Jesus Cristo, Ita Boot mai iha ami nia mundo, no hakarak atu bele transfoma nia.

Iha ami nia moris durante ne’e, ami precisa duni atu bele muda-an, nune’e Ita Boot bele tama iha ami nia moris, no permite Ita Boot atu bele haraik energia foun:

Buat barak nebe sai dificil iha ami nia moris,

(madre ida lori fatuk ba oin)

Buat barak nebe sai maran iha ami,

(madre ida lori esposa/gabus maran ba oin)

Buat hotu nebe mate iha ami nia-an,

(madre ida lori buat ruma nebe rahun ba oin)

Buat hotu nebe malirin iha ami

(madre ida lori be malirin/es batu ba oin)

Loke ami nia fua ba Ita Boot nia domin, Ita nia diak no laran luak.

Ami husu ne’e ba Ita Boot nebe moris no ukun iha unidade ho Espirito Santo too rohan laek, Amem.

Historia

Labaraik ida mak halo

(adaptação husi historia real ida)

Durante halao knar, padre ida ho sacristão ida hare katak tiu ida nebe nunca mai igreja durante tinan 10 ona. Lalos tamba ne’e deit, maibe iha tinan sira tuir mai, nia hahu halo susar amu paroco nia moris hodi goza no hamnasa ba padre paroco nia esforço iha pastoral.

Dereptente nia mak tur los iha oin ho koran ida iha liman. Durante halao knar, sakritaun hakarak bandu nia. Maibe wainhira nia hare katak senhor ne’e oin triste tebes ho matan bel sulin iha nia matan, nia husik deit.

Iha lokraik ida, amu paroco ba visita nia, no senhor ne' ehatudu fotografia ida husi nia oan fetu boot hodi dehan: "labaraik ne'e mak halo. "Hau jura ona katak, ita boot sei la hare tan hau iha Igreja..katak nunca. Maibe tan deit labarik ne'e".

Nia loke jornal nebe nia pernah lori ba igreja, konaba ilustração semana nian. Iha neba iha fotografia husi nia doben kiik ida. iha survey konaba "Saida mak labarik hakarak husi Jesus kosok oan", Derepente labarik oan ida ho idade 5 anos hatan ba jornalista: "Hau hakarak avo mane nebe diferente. Ida nebe mak dala ruma bele hamutuk ho hau ba Igreja. Hau nia avo mane nee baruk ten los. Nia lakohi ba, baske hau husu nia bebeik ona".

Amu PAroco hatan fali ba nia: "Maibe Ita boot laiha ona hamutuk ho o iha uma oras ne'e dau-daun".

Nia hatan: "los duni, hau laiha labarik". Ne'e duni mak sai razão atu hau labele halo sala iha labarik nia oin".

"Ita Boot hatene katak ne'e susar tebes ba ita boot? No ita boot lakohi atu labarik sir abele hare. Hau compreende.". Senhor ne'e hateke ba padre ho admirasaun.

"hau nunca hanoin katak labarik kiik iha poder nebe makaas".

"Tamba ne'e ita nunca hanoin katak labarik kiik ida iha kbiit makaas tebes atu bele muda ita nia hanoin". Padre ne'e repete bebeik, no ikus mai senhor ne'e compreende katak padre koalia konaba Menino Jesus iha Presepio.

(Author: Rudolf Hempel, from: "The 100 best Christmas Stories"; shortened)

Refleção

Iha momento silencio nia laran, convida comunidade atu bele contempla "Kosok Oan hafalun ho neraz".

Transformação saida mak Kosok oan Jesus bele haraik mai hau/ita wainhira ita permite nia?

Iha momento neba mak ita sei hare ita nia-an rasik nebe mak iha buat ruma tidan atu muda hanesan Ema nebe haktuir iha historia. Husi ita nia-an atu bele muda-Husik Jesus iha Belem bele hafoun---iha momento silencio.

Intercessão

Maromak haruka nia Oan mane nuudar labarik ida iha bibi luhan atu bele transforma ita. Mai ita harohan: Ami hein Ita Boot, Nai. Hit-an mai no transforma ami.

Hananu refrão: Maranatha (Taizé) ka refrao seluk.

- Nai, ami hein Ita Boot. Hit-an mai ami no transforma ami nia terus, moras no ami nia precisa tomak.
- Nai, Ami hein Ita Boot. Hit-an mai ami no transforma ami nia dificuldade fuan nian no ami nia-an nebe lakon domin, ami nia fraqueza no sala.
- Nai, ami hein Ita Boot. Hit-an mai no haraik kbiit mai ami iha ami nia luta hodi contribui, pronto hodi fo ami nia energia no domin, atu mundo tomak bele hafoun fila fali.

- Nai, ami hein Ita Boot. Hit-an mai atu ami bele fahe ho ita Boot, ami nia hamnasa no tanis, ami nia ksolok no susar, ami nia kbiit no fraqueza.

Nai, Ita Boot hatene ami no hadomi ami. Ami hahi Ita Boot ohin no ba nafatin, amem.

Ami Aman

Hananu:...(livre)

Oração

Liafuan ida

Lian ida,

Imagem ida

Esperança ida

Hakarak ida

Anticipação ida

La iha hakarak ida nebe bele satisfaz nia-an rasik

Hakarak nafatin

Atu sai ida nebe diferente

Sai ema nebe iha mudança

Lao, husik no fiar nafatin iha mehi

Fitun iha kalan, Liafuan iha silencio, Menino Jesus iha presepio

Andrea Schwarz

Atu Maromak Trindade, Aman, Oan no Espirito Santo haraik benção mai ita, Amem.

Cantico final:.....

Loron 7

Tema: Liderança nuudar serviço ba comunhão

Cantico hahu:.....

Dinamica: Imagem Jesus Bibi-atan diak/imagem comunidade nebe tur iha circulo no hateke ba malu.

Introdução: Ohin loron, iha loron da-7 novena Natal nian, ita reflete iha ita nia oração ho Tema: Liderança nuudar serviço ba comunhão

Estrutura Congregação no modelo liderança mak atu facilita participação no comunhão.

“Ita experiencia ona konaba valor husi discernimento communal no liderança participativa.”
(GC 14)

Liafuan “autoridade” (augere: Latin) significa ha-buras, ha-kbiit, halo no hari’i. ne’e mak ita precisa buka iha ita nia processo discernimento. Knar husi autoridade lolos mak primeiramente rona lain nebe klean husi comunidade nuudar parte ida no buka atu responde ho diak.

Jesus mai iha mundo no iha sociedade nebe mak lakon nia poder hodi tane as deit mak ninia gloria rasik no promoção ba-an rasik, no hahalok ida nee mak afeta mos bae ma seluk. Jesus mai atu habit-ema, atu hatudu oinsa Maromak nia kbiit mak serviço iha ema no iha criação tomak. Nia vitoria mak atu hari, ...fo moris; foti ema no lalos atu domina ema.

Ita hotu-hotu ho knar nebe diferente iha momento nebe diferente, kaer mos poder iha ita nian. ita harohan atu ita hotu nebe simu kbiit, autoridade no energia bele uza didiak hodi promove moris no lori ba halo comunhão.

Leitura: Jn. 10:10 – *Hau mai atu imi hetan moris, no moris nebe laiha rohan Fil. 2: 1-11*

Historia

Messias iha ona imi le’et.

Existe convento ida iha ai-laran fuik, maibe fatin nee hakmatek tebes. Ema barak visita fatin neba, tamba sira bele koko espirito dame nian nebe fo diak ba sira nia klamar.

Ikus mai, derepente, ema ladun iha interesse atu ba visita, no ema wotoan deit mak orbiga-an atu ba. Razaun tamba religioso sira nebe hela iha convento laran hahu cria relacionamento nebe la diak, no visitante barak mak koko efeito husi sira nia moris nebe la hakmatek.

Superior convento nian mos sente triste no stress ho situação, no na ba sharing ho nia colega ida naran Jeremias nebe kaer knar nuudar Mestre boot ema Judeu sira nian. Rona tiha Abot nia sharing, Abot husu teb-tebes atu nia amigo ne’e bele ajuda nia ho maneira ruma.

Jeremias dehan katak nia hetan mehi ida, no iha mehi nee dehan katak, Existe Messias iha sira nia leet. Aboot hahu hanoin iha nia laran, se los mak Messias nee? Nia rasik hatene katak lalos nia mak Mesias, maibe se los husi nia belun sira nebe mak Messias? Nia fila fali ba convento no sharing experiencia ksolok nebe nia hetan husi mestre Boot nee, hodi buka tuir, se los mak Messias.

Hahu husi neba kedas, sira ida-idak moris iha silencio, no atenção ba malu hodi hare se los Messias. Situaun hahu iha mudança. Jose ho Ivan hahu koalia ba malu, maibe ida-idak la espera katak nia mak mesias. Perre ho Naibu hahu dame malu. Sira hotu buka servi malu no sempre buka oportunidade atu halo diak ba malu.

Situaun hahu hakmatek no povo barak mak ba fila fali visita fatin neba no bele halo renovasaun ba sira nia moris. Buat hotu tamba deit membro sira iha convento laran hahu hatene katak Messias iha duni sira nia leet.

Hakmatek hodi reflète no sharing

Mensagem saida mak hau apreende husi historia nee? Oinsa mak it abele apreende hodi halo conexão ho poder nebe iha ita nia-an no hamosu mos iha ema seluk nia-an? ho maneira saida mak ita nia encontro bele responde ba comunidade ninia hakarak nebe klean no aspiração nebe aas husi membro ida-idak? Oinsa mak Maromak bolu hau atu sai liderança ba harii dame no reconciliação? Oinsa mak ita nia fraqueza sira bele contribui ba renovação?

Iha Natan, ita husu Maromak nia kbiit nebe ha-subar hela iha Menino Jesus kbiit laek no moris kiak iha presepio; kbiit nebe mak hatu-an iha nia idade adulta liu husi nia maneira hanorin, no nia ação sira.

Wainhira ita reza oração tuir mai, ita husik ita nia atitude sir abele hetan roman husi Jesus nia modelo liderança, liu-liu nia relacionamento.

Lidrança Jesus nian (*adaptação husi Jesus CEO, Laurie Beth Jones*)

Jesus tau matan ba ema— tau matan bae ma ruma significa fo atenção tomak no cuidado didiak, ka hakoak ema. Povo sira bele sente oinsa ita tau matan ba sira liu husi consciencia. Ita la precisa koalia; no sira rasik bele sente oinsa ita simu sira.

Povo hakbesik ba Jesus nia nunka fohir sira nuudar ema metan ka mutin, riku ka kiak, feto ka maen. Nia fihir sira nuudar maun alin no feton – familia nebe ligação ho ran, hanesan iha direito no responsabilidade. Nia tau matan duni ba sira.

Resp.: Jesus, ajuda ami atu bele tau matan ba malu iha ami nia essensia.

Jesus hare ema hotu hanesan: Jesus presenta Maromak, no hare ema hotu hanesan nia saseluk. Nia bele muda foho, halo mate moris hias, fo isin diak ba moras, halo ema ainkudek bele lao no matan at bele hare. Nia hanaran Pescadores no prostituta sira nudar nia maun no feton. Nia lalos deit simu ema santo liu fali ema sala nain, maibe nia nia hatudu nia domin no ema hotu hakarak hakbesik ba nia. Ho Jesus nia presença, Povo sente diak ho-an rasik. Nia hakbesik ba sira no fo kbiit ba sira.

Resp.: Jesus, atu ami apreende tau matan ba malu nuudar maun alin

Jesus iha laran sadia ho ema lubun boot: Nia hakarak hatudu ba povo katak Maromak hadomi sira. nia rasik sente povo nia terus no susar. Wainhira laiha laran sadia iha ita nia-an, ita mos lakon ita nia klamar. ‘Ita sei sai hanesan Maromak wainhira ita iha laran sadia’. Sai diak ba malu iha buat hotu.

Resp.: Jesus, atu ami bele fo resposta ba ema seluk nia precisa ho diak nebe iha ami nia-an.

Jesus servi sira: Jesus, nuudar leader, servi nia emar sira. nia husu ba nia emar sira: “saida mak imi hakarak atu hau halo ba imi?”. “Oinsa hau bele ajuda imi?” KARik sira hakarak hare, Nia loke sira nia matan. Karik sira hakarak lao, nia halo sira lao. Karik sira hakarak pão, nia sei fo pão ba sira. karik sira hakarak tua, nia fo tua ba sira. nia bele halo bua hirak ne’e hotu...basa Nia mai husi kbiit ida mak: DOMIN.

Resp.: Jesus, atu ami apreende hodi halo tuir domin nuudar riku soim iha ami nia-an

Ami Aman

Oração final

Jesus, celeração husi Ita Boot nia moris, fo hanoin mai ami konaba proposta atu Ita Boot bele mai moris iha mundo ne'e– hodi haraik mai ami moris, no moris nebe laiha rona. Ita Boot nia halo-an ba ema fo hanoin mai ami karak ami ema kbiit laek no folin teb-tebes. Atu ami, Ita Boot nia discipulo bele hanoin katak, ami ida-daik moris mai original no atu bele halo diferença iha mundo ho maneira nebe uniku, liu husi promoção ba moris, moris iha ami nia comunidade no entre ema hirak nebe ami servi, liu-liu sira nebe lakon dignidade moris. Husik atu kbiit domin nian iha ami bele foti passu foun ida, lalos dominação maibe laran diak, lalos competição maibe compaxão, passu justiça ba sira nebe kbiit laek, no esperança ba sira nebe lakon esperança. Atu ami nia familia SSpS sai nuudar mahon ida nebe mak sira nebe boot bele hatene sai kiik no sira nebe kiik bele sai boot, Amem.

Cantico final:.....

Loron 8

Tema: Bolu ba moris intercultural

Abertura: Mai ita hakruuk ba Maromak nebe presente iha criação hotu no ita mos hakruuk ba Maromak nebe presente iha ema ida-idak. Ita consciente katak, Maromak ne'e duni horik ho ita ida-idak no presente iha ita nia sorin-sorin. Iha silencio, it abele sente Maromak ho ita no besik duni mai ita (Silencio badak)

Cantico:

Introdução: Tem aba ita nia novena loron da-ualu mak “bolu ba moris inter-culturaal”. Ita nia interculturalidade nuudar SSpS nuudar aspecto nebe essencial teb-tebes husi ita nia identidade. Ne'e nuudar expressão Espirito Sant nian liu husi oin barak iha ita nia realidade. Ita experiencia buat rua mak riku soin no desafio iha ita nia dalan moris nuudar comunidade intercultural, atu bele hateke dok liu fali ita nia diferença no hanoin nebe la hanesan, no considera buat hotu nuudar oportunidade atu descobre Domin nebe horik iha ita ida-idak nia-an.

Simbolo: (konaba interculturalidade)

Reflexão: “Cristo bolu ita mai iha Congregação ida ne'e, nuudar comunidade religiosa missionaria nebe dedica-an ba Espirito Santo nia moris rasik. Iha ninia kbiit, ita lao tuir Nia, no lori moris nebe rohan laek ba maun alin sira. moris iha comunidade religiosa missionaria, ita iha dever atu halo presença sai visivel iha ita nia moris no actividade sira. nuudar comunidade husi madre sira nebe mai husi nação oi-oin no lian oi-oin, ita sai duni sinal moris husi inidade no diversidade iha creda.” (SSpS Prologue).

Mai ita rona esperiencia missionaria husi madre nebe serviço iha rai estrangeiro.

Historia: “*Comunidade intercultural, hau nia hun no rohan*”

Hau too iha nação neba, la hatene liafuan ida mos husi lian povo neba nian. Hau koalia Ingres, maibe laiha ema ida mos bele koalia lian ingles iha comunidade. Loron tuir mai, hahu stress. Tempo neba hahu tama inverno, nebe mak temperature malirin iha zero okos. Loron nebe hau too iha neba, hau lori hau nia sasan sira ba toba fatin. maibe tamba kolen los, hau rai tiha sasan iha kama no toba. Wainhira hau hader, hau nia isin tomak malirin hanesan zelo, no hau buka manta seluk iha armario maibe hau buka la hetan. Tamba haul abele toba dukur, ikus mai hau sai husi quarto ba buka ema ruma atu bele ajuda hau. Momento neba, hau hasoru madre ida, hau koko atu explica ba nia saida mak hau hakarak. Maibe, maske uza hau nia esfor,o tomak, nia labele comprende hau. ikus mai hau kaer nia liman no lori bah au nia quarto. Hau foti diccionario nebe iha hau nia quarti, hau koko atu forma frase ida atu bele halo hau nia-an rasik comprende, maibe la serve, tamba nia la comprende. Hau precisa uza jestu no sinal atu ikus mai nia bele comprende katak hau precisa manta. Nia mos husu desculpa tamba ema nebe prepara quarto, prepara deit manta ida. hahu husi neba kedas, madre ne’e sai hau nia belun no nia hahu tau matan ba hau. primeiramente, durante han, hau nonok deit no koko atu comprende saida mak madre sira koalia dau-daun. Nee mak momento nebe hau sente katak sira la hare hetan hau iha sira leet no madre sira la tau matan ba hau. iha momento neba, hau mos gosta atu ema ruma nebe koalia barak tur besik hau iha mesa. Hau aceita deit man madre oan nebe ajuda ona hau hodi fo manta bah au, tamba hau bele sente oinsa nia mos hakas-an hodi hakbesik mai hau. Ha uterus teb-tebes maibe hau hatene iha hau nia laran katak madre sira mos terus ho hau. wainhira hau hakas-an atu apreende lingua no bele koalia, hau hare katak madre sira mos hakas-an hodi ajuda hau. Hau brani koalia ho espontanea liu tanatu bele expressa hau nia-an, uza frase nebe ladun complete, no hau mos apreende atu hamnasa ho hau nia gramatica nebe sala. Dala ruma hau hetan koreksaun husi parte hotu, maibe hau precisa fiar katak, ne’e deit mak dalan uniku atu ajuda hau. Hau hahu conhece hau nia madre sira liu tan no neneik ba bebeik hau hahu desenvolve hau nia sentido da pertença ba hau nia comunidade. Hau hahu sharing hau nia cultura nomos interessante ho cultura Brasil nian. Buat nebe interessante tebes mak hau hare katak iha neba existe duni interculturalidade nebe furak. Hau iha buat ruma uniku nebe bele sharing husi hau nia cultura no iha mos buat ruma uniko nebe bele apreende husi cultura seluk. liu husi simu hau nia cultura rasik hodi hariku liu tan ho cultura Brasil nian, no ho maneira ida ne’e mak hau haklean hau nia cultura Filipina nian. Interculturalidade sai tiha hau nia maneira moris no ksolok moris interculturalidade nian nebe sai nuudar hau nia sasin moris konaba Comunhão Maromak nian.

(Leonie Pergunta, SSpS missionaria ba Brazil)

Reflexão: Oinsa mak hau bele buras iha consciencia katak hau nia historia no ema seluk nia historia iha ligação ba malu, nomos ami nia historia nuudar continuação husi historia comunhão Maromak nian. Sera que hau hatene duni katak interculturalidade nuudar hau nia vocação, nomos moris hamutuk iha comunidade intercultural nuudar hau nia resposta ba bolu ne’e?

Sharing: (bele ho colega iha sorin)

Leitura: Lk. 1:57-66 (João Batista nia moris) Mai ita rona historia João Batista nian. Iha leitura ne'e, povo sira nebe hamutuk ho nia sente Maromak nia kmanek wain ho labarik nebe sei sai ema importante tamba Maromak nia liman santo hamahan nia.

Intercessão

Resposta: Maromak cultura hotu nia nain, rona kura ami!

- Kria iha ami nia-an fuan ida nebe hatene agradece baa mi nia abut moris: Familia, situação moris, nacionalidade no riku soin cultural.
- Wainhira hau monu iha tentação katak hau nia cultura mak diak liu ema seluk nian no hau nia opinião mak diak liu ema seluk nian.
- Wainhira ami nia hanoin negative konaba ema seluk tka tadalan baa mi atu bele laran luak no compreende malu.
- Iha ami nia hakarak atu afirma ami nia-an deit mak los hodi fo sala deit bae ma seluk.
- Bele aumenta intenção seluk

Ami Aman

Oração

Maromak nebe nain ba cultura hotu, loke ami nia-an ba Espirito atu bele sai ida deit ho Nia; nune'e ami bele rona Nia nebe guia ami atu bele descobre diversidade nia furak. Halo ami valorize ami nia interculturalidade atu bele sai sain ba Trindade nia domin nebe bolu ami atu sai familia ida deit. Ami husu ne'e hodi ami nia Nai Jesus Cristo nia naran, Amem.

Oração preparação ba Capítulo Geral 15

Cantico final

Day 9

Tema: Bolu ba moris iha inter-generational

Abertura: Mai ita foti momento silencio.....tau consciencia ba ita nia-an rasik, ita iha fatin nebe no cosciente mos ba Maromak nebe besik los ba ita, basa, nia mak Emmanuel...

Cantico: (bele canta Espirito Santo nian)

Introdução: Tema ba loron da-9 husi ita nia novena mak: “Bolu ba moris iha inter-generational”. Ita experiencia ona rikusoin no desafio husi moris inter-generacional. Mai ita loke ita nia-an nafatin ba transformasaun continua.

Simbolo: (hakerek frase tuir mai ho letra boot atu ema hotu bele le)

“Ema nebe lakohi apreende, nia sei sai kaluk, maske nia idade 20 ka 80. Ema nebe hakarak apreende nafatin, nia sei jovem nafatin” – *Henry Ford (1863 – 1947)*

Reflexão: ita sempre troka ba mai iha ita no moris comunidade. Nuudar individual nomos comunidade, ita sempre perguntas konaba diferença idade, saida mak halo nia klosan no saida mak halo nia sai idade avançada. Hanoin konaba idade nebe boot no kiik, avançado k alae, afeta teb-tebes ita nia moris. Iha ita nia comunidade barak mak mosu preferencia ka lae iha expressaun sira.

Mai ita reflete frase nebe hakerek iha poster, no husi frase ne'e bele koalio ba ita, liu-liu ba ita nia fraqueza no inklinasaun sira.

Oinsa mak ita bele desafio ita nia nia-an iha processo hafoun-an nian atu nune'e bele comunhão no belun entre ita nomos ho sira nebe ita servi.

Sharing reflexão, mensagem no oinsa bele realiza

Leitura: Lk. 1: 39-45 (Moris nebe entrega ba malu entre Maria nuudar feto klosan ida no Isabel nuudar ferik idade avançada).

Intercessão

Resposta: "Maromak rona ema kiak nia halerik, hahi hanai ba nia!"

- Atu ita bele sai instrumento nebe sai pnte hodi liga idade entre jovem ho idosos, no consciente katak ema ida-idak iha buat ruma atu fahe no apreende ba malu, hariku malu.
- Wainhira acontece diferença inter-generacional, ami bele haforça ami nia moris hamutuk, ami nia aspirasaun ba relacionamento nebe diak, ami nia co-responsabilidade no ami nia depende-an ba malu nuudar Maromak oan.
- Realidade hatudu kata kami nia sociedade buras ho diskriminasaun tamba idade no ida ne'e halo ami la compreende malu no fahe malu. Atu ami nia comunidade bele sai sasin ba unidade no diversidade.
- Atu ami bele sai diak husi ami nia natureza discriminadora no muda ami nia hahalok nebe la simu malu hodi bele hatene admira solidariedade inter-generacional. a
- Atu ami bele nakloke liu tan bae ma seluk nia precisa no pronto hodi fahe ami nia talento sira hodi bele haluan circulo relacionamento inclusivo.

Ami Aman

Oração

Nai ami nia Maromak, Ita Boot besik dau-daun! Ita mak Emmanuel, nebe besik los bah au, no besik mos ba ami. Ita Boot iha fuan ida nebe simu ema hotu, la depende ba cultura ka diferença idade. Atu ami bele iha fuan hanesan Ita Boot nian hodi sente, iha ain hanesan Ita nan hodi lao, iha matan hanesan Ita nian hodi hare, iha tilun hanesan Ita nian hodi rona, iha liman nebe bele hakoak ema hotu, no iha moris nebe bele conecta ho sira nebe fraco no laiha kbiit iha ami nia sociedade. Ami husu ne'e hodi ami nia Nai Jesus Cristo nia naran. Amen.

Oração preparação ba Capítulo Geral 15

Cantico final: "We are companions on the journey..." ka cantico nain feto nian